

جَزَائِرِ مَحَاکِرِ

جمعه ایرتسی

نومرو	محرم	سنه	تموز	سنه	صحیفه
۷۲۰	۲۲	۱۳۱۱	۲۴	۱۳۰۹	۱۰۶۳۷

(اشبوغزته بهر هفته جمعه ایرتسی کونلری چیقار . سنه لکی درسعدت ایچون مجیدیه یکر می غروش)
 (حسابیله التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخه سی ینه مجیدیه یکر می غروش اولمق اوزره یوز پاره یه هر یرده صاتیلور . درج اولنه جق)
 (اعلا ناک هر برندن برمجیدیه اخذ اولنور . سنه لکنه مشتری اولمق استیانلر عدلیه نظارتی)
 (دأره سنده کائن جریده محاکم اداره سنه مراجعت ایلملیدر)

هر تقدیر زوجه سنک ذکر اولنان خسته خانه
 اعانه سنک جلب وجعی ضمننده طولاشدینی
 محالرده ایراد نطق ایتمسی طبعی ایسه ده دولت
 علیه عثمانیه علیه نه ایراد مقالات ایتدیکندن
 معلوماتی اولیوب حتی بویولده نطق ومقالات
 ایراد ایتماسی ضمننده مزبوریه تنیه واشعارده
 بولنش اولدیغنی سویلکله اولیه مقالات مضره
 ایرادنن معلومات وخبری اولمدیغنی حالده بویولده
 برتنیه واشعارده بولنسنک وجهه سبی صورلدقده
 زوجه سنک اورویالی اولمق حسیله بویله برحر کتده

(انقره ولایتی استیناف محکمه سی جزا)
 (دأره سندن اعطا اولنوب بوکره محکمه تمیز)
 (جانتندن تصدیق قلنان برقطعه اعلام ضبطنامه)
 (سنک بروجیه زیر مابعدی)

بولماسنى تامين اچچون ايندوكنى افاده ائىلىش
ومدىعى عمومى عارف بك طرفندن دخى انشاسنى
تصور ايلدىكلىرى خسته خانه مثالو ابنىة عموميه دن
معدود بر بنا اچچون كرك اعانه جالبى و كرك انشا
كيفيتى خصوصى حاكمى سنيه مر اجعت
اولنقى لازم كلوركن بوبانده حاكمى سنيه
مراجعت وعرض معلومات ايندلماسى واهالى
مخليه دن قطعاً استعانه ايدلميه كرك حصراً اوروپا دن
اعانه طوپلانلى اسبابيله يافته وقوعاتك مصادف
اولدىغى كانون اولك يكرى دردنجى و يكرى
بشجى كونلرنده نره ده بولنديغى كبره خانه كيدر
ايكن اوغراقلرى محالده مسافر اولدقلى
خانه لره مسافرتلى و پروتستان چاغى وارمى
افرادى ايله كور شملرى كندولرنيك اولجه كله جكلرىنى
مخير و يرملرندى ايلروكلش و جاعت و افراد
مذكوره يه وعظ ايتلمى جاعت و افراد مرقومه نك
طلبه ويا كندولرنيك آرزولرينه مبنى بولمىش
اولديغىك و قيصريده واعظ كلبنكيان ديقران ايله
كوروشوب كور شمدىكنك مرقوم طومه يان قره بتدن
استيضاحنى طلب ايتكله بورالى دخى استفسار
ايدلدىكه اولجه سويلدىكى وجهله اعانه نك جعمدن
سكره حاكمى سنيه مر اجعتله رخصت الله جق
ايدوكنى و اولجه حاكمى سنيه مر اجعتله عرض معلومات

وصامسونده توقيف اولنديغى بيان اولنان دكرمن
آلاتنى كتورتك اچچون طوغرىجه صامسونه كيتيويده
اماسيه يه كيتسى حقنده ايدىلان سؤاله جوابا دخى
اماسيه ده قونسولوس مومى ايله واسطه سيله
صامسونه تبليغات اجرا ايتديرمك اچچون اماسيه
كيتش اولديغى درميان ايتشدر . قيايان اوخانس
دخى محكمه يه جلب ايله استجواب اولندقد فساد
قوميه سنده مدخوليتنى انكار و مرزيفونده عقد
اولنان جمعيت فساديه ده كتابت صقيه بولنان
وواهرام نام مستعاريله شعبات فساديه يه كوندريلان
اوراق خابريه وضع امضا ايند شخصك كندوسى
اولنديغى و يافته وقوعاتدن بر كونا معلوماتى
بولنديغى تذكر ايله اولنان سؤال اوزرينه بر بچق
سته مقدم برهانه اوخانه حساب كورمك و او
صره ده همشيره سنك و قاتندن طولاي سياحت
وتبديل هوا خمننده اطبا طرفندن وقوعبولان
توصيه يه توفيق حركت ائلك اوزره طومايان
قره بت ايله معاً مرزيفوندى قيصريه طريقيه برهانه
عزيمت و سيواس و اماسيه طريقيه يه مرزيفونده
عودتلىرى و كدر كاھلرىنى طومايان قره بتك افاده سى
وجهله تفصيلاً ازبار ايلدىكدن سكره استيضاحات
واقعه يه جواباً اوخان ايله قيصريه دن برهانه
كندكدن سكره برنجى كون دوكون

وايكنجى كون ضيافت ايديلهرك اوچنجى كوني
رؤيت حساب اولنهرق رأس المال اولان يوز
يكرى ليرايه سند المى اولدقلىرى و كرك برهانه
و كرك قصبات سائرده بركونا تلقينات فساديه ده
بولتيوب يالكر برهانه كويليرك تحصيلدارلرك
تضيقاتسندن وقوعبولان شكياتلى اوزرينه
حكومته مراجعت ايتلىرى لزومى اخطار اولمش
ودوكون اولقى حسييله ذاتاً بشقه درلو سوز
جربايى غيرممكن بولمش اولديغى و وعظ ايتدىكلىرى
محالده ارميلر ايله پروتستان آره سنده موجود
اولان برودى ازاله يه موفق اولمش اولدقلىرى
بيان وازبار و مدعى عمومى عارف بك طرفندن
برهانه عزيمت وعودتلىرى ائشاده اوغراقلرى
محالره اوغراملرى واوراده بعض ذواته مسافرت
وملاقات ايتلمى اولجه بر خابريه وياتصادقايى
وقوعبولمش اولديغىك استيضاحى طلب ايدلمى
اوزرينه بوراسى دخى استفسار اولندقد اوغراقلرى
محالده بولنان مكتب شاكر دانك اولجه مملكتلرندن
وقوعبولمش اولان دعوتلرينه مبنى اورالره كيتش
اولدقلىرى سويلمش و بولرك كيم ونرلى اولدقلىرى
سؤاله جواب و يرمكن استسكاف ائشدر .

بونك اوزرينه وقتك عدم مساعدسى جهتيه

امر محاکمه شهر حالک اون سکرنجی صالی کونته
برایله رق متهمون مرقومون توقیفخانهیه اعاده
قلمشدر .

فی ۱۱ ذی القعدة سنه ۳۱۰
و فی ۱۵ مایس سنه ۳۰۹

اعضا	اعضا	اعضا	رئیس
اونیک	علی	توفیق	حسین حسنی
	ضبط کاتبی	اعضا	
	قیس	یورکی	

رئیس حسین حسنی اعضا احمد توفیق و علی
واونیک و یورغاکی افندیلر .

یوم مذکورده متهمون مرقومون علی الاصول
توقیفخانه دن کتوریلرک وکیل مدافع لری اوقیان
کیفورق و شاهنیا قریه بت و شاملیان آرتین و عابجیان
ماس و عزت و عزیزیان ناظم و چه چه یان آغوب
ولازاراکی نظرت افندیلر نزدلر نه اولدینی
و مدعی عموی محمد عارف بک افندی دخی حاضر
بولدینی حاله دوام محاکمه علنییه مبادرت و ضبط
سابق بالقرائه وکیل مدافع لردن شاملیان آرتین

افندی موکلرندن خجاطورک محاکمه سابقه ده اثنای
تحقیقاته وقوعندن بحث ایتدیکی جبر و تضییق
حقنه مستنطقه برشی سونلماش ایسه ده باتلغراف
عرض شکایت ایش اولدینی سونلش ایکن قید
ایدلماش اولدینی و شاهنیا قریه بت افندی دخی
موکلرندن ارشاق اندون رشتونی سیرپیک
قادینک خانه سننه کوردیکی سولدیکی حاله
چوماقلینک خاجینک خانه سننه کورش دیکنی
سولدیکی یازلش اولدینی حقنه محاکمه
سابقه ده وقوعبولان افاده سنک ضبطه کچورلماش
اولدینی و اغوب پهلوده اندون رشتونی ایله قیصریه
فساد قومیتیه سی ارکانک علیهنده کی اخباراتی قبول
ایتمه سی حقنه سبب بیان ایده ماش اولوب
بوابله کی اسبابی حین مدافعه ده درمیان ایده جکی
و طومه یان قریه بت دخی مرزبفونده خسته خانه
اتخاذ اولتان خانه دن طولای رخصت استمهال
ایدلماش حقنه اولان استیضاحاته جوابا مذکور
خسته خانه ده پروستان چاغی هیئت روحانیه سی
طرفندن مأمور تعین اولان دو قورشاس واسطه سیله
خستکانه بالقدره اولوب چاعت مذکور نه
بافرمان عالی یوکی مؤسسات خیریه تأسیس و اتخا
ذینه مأذون اولوب فقرا و ملته خسته لرینه باقی
عبادت جله سندن بواندینی و عبادت ایچون

ایتمش اولدینندن بحسابو افاده سنک قید و علاوه
سنی سولدیکلرندن صکره متهملردن کرمان اوغلی
قارونک محاکمه سابقه ده اثنای تحقیقاته وقوعی
بیان ایتدیکی جبر و تضییق مستنطق حضور نه
سولدیکی متضمن اولدینندن بحث ایتش اولدینی
ایکنجی افاده سی بولدیله رق قرائت اولنده
ارمنی شرکت خنیه سنه قریه لرندن قیوجیان حاجی
بک و کورنلیان حاجی بک و سلان اوغلی میکائیل
و بدروس و کلنک اوغلی کلنک و اولوپک اوغلی اقا
قریه بت و قیوجی قریه بت و تراب اوغلی سرکز و سایه
بال اوغلی قریه بت و ارسین قلعه یان و برادری
ماطیوس و چالق اوغلی حاجی قریه مان و جکرچی
اوغلی اوخان و کیمیا اوغلی مغدیچک دخی
داخل اولدیلرینی حبسخانه دن کوندردیکی ورقه لرده
تعداد ایتش ایسه ده اشبو ورقه لری حبسخانه ده کی
حبس لارک وقوعبولان جبر اوزرینه خلاف حقیقت
اوله رق یازمش اولوب اشخاص مرقومه نک داخل
شرکت اولدیلرینی حاوی کوراسیله نه دیده جکی
مرقوم قارودن صورلدقه اشبو افاده سندن صدق
مدعاسنک نمایان اوله جغنی بیان ایله افادات سابقه سی
تکرار ایلدی .
قانونک ریاسته بخش ایتش اولدینی صلاحیه

بناء متهملردن طومه یان قریه بت محاکمه اوله سندن
حقیقارلدقن صکره قیایان اوخاندن محاکمه سابقه ده
برهانلی اوخانه طومه یان قریه بتله مشترکا و مناصفه
و یردکری سرمایه نک یوز یکریمی لیرادن عبارت
اولدینی سونلش اولدینی حاله استنطاقا مذکور
سرمایه نک ایکی یوز لیرا قدر اولدینی سونلش
اولدینی بالاخطار هانکیسی طوغری ایدوکی
استفسار ایدلده افاده سابقه سی وجهله مرقوم
اوخانه یوز یکریمی لیرا سرمایه و یردکری صکره
طومه یان قریه بتک بشقه جه یوز لیرا دها سرمایه و یرمش
اولدینندن استنطاقا اوله سولسی بو ایکنجی سرمایه یی
دخی ذکر ایتک مقصدیله اوله جغنی درمیان ایتسیله
بو ایکنجی سرمایه یی طومه یانک نه وقت و یرمش
اولدینی و محاکمه سابقه ده رؤیت ایتدکری حساب
اوزرینه رأس المال اولان یوز یکریمی لیرایه سند
الندیغنی و ویش اولسنه کوره اشبو ایکنجی یوز
لیرا حسابنک نه اولدینی صورلدقه مبلغ مذکورک
برنجی سرمایه نک اعطاسندن اوچ سنه صکره
و یرمش و انک حسابیه قیصریه جه بشقه جه
بالرؤیه سنه ربط اولمش اولوب بو جهتی طومه یان
قریه بتجه الاطراف معلوم اوله جغنی سولسیله مرقوم
رخصت استحصانه لزوم اولدینی دخی درمیان

طومه یان قره بت دخی حکمه یه کتوردیلرک مرقوم
اوخانه محاکمه سابقه ده قیایان اوخانسله معاً
ویردکاری بیان ایتدیکی یوزیکرمی ایراسرمایه دن
بشقه سرمایه ویروب ویرمدیکی صورلدقه ذخیره یه
تحویل ایدلمک اوزره التمش لیرالق مانده کوندروب
ذخیره الیرمش ایسه ده اشبو سرمایه منحصر آ
کندوسنه عائد اولوب بونده قیایان اوخانسلک
علاقه سی بولمادیغنی و بونلردن بشقه مرقوم اوخانه
کندوسنک متعدد جهتلرله بشقه بشقه برقایوز
لیرالق حساب والاجنی بولندیغندن استیضاح
اولسان جهت تعیین اولمادیجه طوغری جواب
اعطاسنه مقتدر اوله میدهجنی تذکار ایلدی .

متملردن اتش اوغلی میکه دخی استجواب
اولندقدن فساد قومیتنه سنده دخل ومعلوماتی
ویافته وقوعاتندن برکونا خبری اولدیغنی بالیسان
کلیاً انکار تهمت ایلدی .

بونک اوزرینه متملردن بدروس اوغلی
میساق وکزیر طوروس اوغلی میرجان واشیجی
پارسیخ اوغلی کلبنک واندون رشتونی وراهب
طانیل محکمه او طه سندن چیقارلدندن صکره
متملردن یاغوب اوغلی پانوس سویلیدیرلده
کندوسنک فساد قومیتنه سنده داخل اولمادیغنی

وقومیتنه نام ومنفعتنه شقاوت ایتلمک اوزره
تلاس شرکت فسادیه سندن سلاح وفشنک
واچقه آلمدیغنی وکندوسی آشچی پارسیخ اوغلی
کلبنک وکزیر طوروس اوغلی میرجان ایلده سعادندن
مملکتلری اولان تلاس کیمک اوزره کیوه طریقیله
انقریه کلدکلرنده قوناق ایتدکلری خانه برمهجرک
عربده سنی قیصریه قدر استکرا ایلدکلری واثانی
راهنده قیرشهری بونک چامورلی اولدیغنی عربده جینک
خبر المسی اوزرینه یوزغاد طریقیله کیمک ایچون
چشنکیر کوپریشنی کچکدن صکره یوزغاد یولینه
آیرلدکلری و عربده جینک اثنای راهنده خسته لندرق
کندوسنک عربده دن کزنمک اوزره ایندیکی بر
صرده کلبنک عربده جی وفات ایتدی دیدیکی
وخبیر ویرلسه کندولری طرفلردن اولدیرلمش
ظن اولنور دیه بر طرفه خبیر ویرمیه رک یول
اوزرنده مناسب بر محله دفن ایله کیتدکلری
ویوزغاده واردقلرنده کلبنک ومیرجان اوراده
قاله رق کندوسی عربده ایله توقاده کیدوب توقاده
مراط نامنده بریسنه عربده بی اوچ بارکی ایله برابر
اون طقوز لیرایه صاندیغنی بالیسان عربده جی اخناقله
تلف ایتدکلری و عربده جینک اوزرنده هیچ برشی
المدقلری ولاله بلی جوارنده کی دیون عومیه
پوسته سنک اورلسندن وقولجی عزتک آت و هکبه

وساعت وتقود واشیاسنک اخذ اولتسندن قطعاً
خبیر ومعلوماتی اولیوب درسعادندن تلاس فرار آ
کلدیکنده نرزه لی بغوصندن برامانت آت آله رق
دره ونک مناسترینه کیدوب برمجیدیه اجرته اندون
رشتونی کیجه لین چوماق لی قاجیرتمش وعودتده
آتی بغوصه اعاده ایتش ایسه ده اشبو آتی بغوصک
نرهدن الدیغنی بیلدیکنی ومناسترده شرکت ایچون
شقاوت اجرا ایتدیکنه دایر برشی سویلیدیکنی
بیان ایتسیله مضبوط افاده سی اوقوتدیرلده برنجی
افاده سنده شرکت فسادیه مذکوریه ابتدا تالاسی عرب
اوغلی سرکز واسطه سیله ذاتاً برسرقت مسئله سندن
طولای فراری اولسی حسیله شرکت افرادی طرفندن
قورتیله جنی وعدقلمسینه مبنی دخولیه ویرمکسزین
بر امضا ایله داخل اولدیغنی وکندوسنه براسبک
لزومی اولسی جهتلر برکیجه نرزه لی بغوص ودلی
بدروس اوغلی میساقله سلاخلنه رق لاله لی بلنه
واروب برپوصویه کیزلدکلری و صباخلین طوزلق
طرفندن بروکلان ایکی آتلودن بریسنی طوته رق
دیگرینک فرار ایتدیکنی وطوتدقلری آتلاو ملحه
قولجیسی اولوب اوزرنده بولنان بر ساعتیه اسبی
المدقلری و مرقومه ده میساق قصراغنی ویردکلری
واورادن بغوص نرزه یه کیدرک کندوسی میساقله
دروهنک مناسترینه کلدکلری و درسعادندن کلورکن

انقره دن عربده سنی استکرا ایلدکلری عربده جینک اثنای
راهنده خسته لندرق کندوسیله میرجانک عربده دن
ایندکلری برصرده وفات ایتدیکنک کلبنک طرفندن
سویلمسیله مناسب بر محله دفن ایلدکلری ومذکور
عربده ایله آتلیغنی کندوسی توقاده قدر کوتوره رک
اوراده صاندیغنی وایکنجی افاده سنده دخی
عربده جینک صورت وفاتی بروجه محرر تکرارله
برابر یالکز کلبنکله میرجانک عربده اولدقلری
وکندوسنک عربده دن اینش بولندیغنی برصرده
وفات ایتش ایدوکنی و عربده جی قرق الی یاشلرنده
اختیار بر آدم بولندیغنی واوچنجی افاده سنده دخی
کندوسی برسرقت مسئله سندن طولای اون بش
سندنبرو فراری اولوب برکون افکره قریه سندن
تیورجی بغوصک خانه سنده واردیفنده اوراده مکره کلی
دیله کجیک اوغلی ارتین ومانجسوندن کشیش اوغلی
مغیردیجده حاضر اولوب کیجه لین قونشورلر ایکن
مرقومونک سنک اسبک یوقدر سکا براسب کتیره لم
دیه رک کیجه ساعت بش راده لرنده سلاخلنه رق
وآتلیغنه بینه رک وکندوسنه کیتامسینی تنیه و تآکید
ایدرک کتدکلری وایرتسی کونی اخشامی ساعت
ایکی رادلرنده بر قیر آت ایله کلدکلری ومذکور
اسی نرهدن المدقلری سؤالنه لاله لی بلنده طوز
قولجیسی چوپره رک مذکور اسبی المدقلری

سویلیزینه مینی اشبوآته راکباً دره ونک مناسترینه
کلدیکنی ومناسترده راهبک شوراده ایکی آدم واردر
چوماقلی یه کتورده سکا بش اون غروش ویرسونلر
دیمسی اوزرینه حرقومانی الوب چوماقلی یه ایصال
ایله ینه دره ونکه کلدیکنی وکتوردیکی آدملردن
بریسنگ ارمی شرکتک فساد باشیسی اولدیغنی
اکلا دیغنی و دیگرینی بیلیدیکنی و مذکور اسبک
کندوسنه مضرتی دوقونه جغنی ملاحظه ایله
دره ونک مناسترینه براغهرق خانه سنه کیتدیکنی
بیان ایش اولدیغنی کورملکله نه دیه چیکی مرقوم
پانوسدن استیضاح اولندقدنه اشبو افادات زیرنده کی
امضال کندوسنگ ایسه ده افادات مذکورینی جبراً
سویلیش اولدیغندن بمشله حضور محکمه ده کی
افاداتنده اصرار ایلدی .

تلاسلی کزیر طروس اوغلی میرجان دخی
محکمه یه جلبله سویلتدیرلده شرکت فسادیه یه
داخل اولماش اولدیغنی و کلبنک و پانوسله در سعادندن
کلورکن انقرده استکرا ایلدکری برعربیه برابر
بمشلر ایسه ده یولده عرب به جینک خسته لشی
وقیر شهری یولنک چامور اولدیغنی دیکر
عرب به جیاردن خبر المری جهتله عرب به یی یوزغاد
طریقنه دوندیرمش اولدقلرینی و براز کیتدکن
صکره کندوسیه پانوس عرب به دن ایش و کلبنک

عرب به یی سورهرک ایلرولش اولدیغنی حاله مرقوم
کلبنک عرب به یی اولدی کلک دیه چاغیرمسیه
واروب باقدقلرنه عرب به یی وفات ایش کور
دکرینی سویلیسه استنطاقاً مضبوط اولان افاده سی
قرائت ایتدیرلده اشجی پارسین اوغلی کلبنک
ویاغوب اوغلی پانوسله استانبولدن مملکتلرینه
عودتلرنه انقرده دن اون اوچ حمیدیه طوقدقلری بر
عرب به یه راکباً کلور ایکن کوپری کویندن یوزغاد
طریقنه ایریلهرق بر کرد کوینده مسافر اولدقلرینک
فرداسی کونی یولده عرب به یی سوررسین سوررسین
دیه پانوس ایله کلبنک عرب به ایچنده عرب به یی
ایله منازعه چیقاروب هر ایکسییده عرب به جینک
باشنه چوکلکرینی متعاقباً عرب به یی وفات ایش
کوردیکی و عرب به جینک ذاتاًده بر مقدار کیفسر
بولدیغنی و مرقومانک اوزرلرنه سلاح اولدیغنی
فرقنده اولیوب اخناقاً اولدیرمش اولدقلرینی
و پانوس عرب به یی سورمهک باشلیوب یارم ساعت
دها کیتدکلرنن صکره هر ایکسی عرب به جینک
جنازه سی برسیل کیکنه وضع ایدرک اوزرینی
طوبراقله ستر ایلدکرینی و پانوسک عرب به جینک
قویندن جزداتی چیقاروب موجود بولدیغنی
اوچ حمیدیه ایله بلندن ساعتی الوب البسه سیله
طوبراغه دفن ایتدکرینی و اوچ آتو عرب به سیله

کندولرینی پانوس یوزغاده قدر کوتوروب اورادن
عرب به یی و آتلیرینی الهرق توقاده کیدیورم دیهرک
کتورمش اولدیغنی و کلبنک ایله قیصریه یه
کلدکلرنن بش ای صکره پانوسی کیفسر کلش
دیوایشیدوب خانه سنه کورشمکه واردیغنده مرقومک
عرب به ایله آتلیرینی توقاده دن اون درت لیرا ایله برده آت
الهرق صامش اولدیغنی سویلیدیکنی و عرب به یی انقرده
حافظ افا خاندن استکرا ایشلر ایسه ده عرب به
جینک اسم و شهرتی بیله میدیکی حاوی ایدوکی
اکلا شامغله اشبو افاده استنطاقیه سنه قارشو نه دیه
جکی صورلدقده افادات مذکوره کندیسنگ
ایسه ده جبراً سویلمش اولدیغندن بمشله حضور
محکمه ده کی افاداتنده اصرار واولنان سؤال
اوزرینه عرب به جینک ساعت و باره سی المیوب
یالکر عرب به ایله آتلیرینی الوب کتورمش اولدیغنی
پانوس تذکار ایلمشدر .

دیگری دلی بدروس اوغلی میساق دخی
محکمه یه کتیدیهرک سویلتدیرلده شرکت
فسادیه مدخول اولدیغنی کبی لاله بلنده طوز
پوسته سنگ اورلسندن دخی معلوماتی اولدیغنی
بیان ایله کلیاً انکار تهمت ایلمسی اوزرینه افاده
مضبوطه سی قرائت ایتدیرلده تلاسلی آرسین

قاله یان و برادری ماطیوس و سیموخ اوغلی ارتین
والا جه جیان ابراهام و برریان قره بتک تشویق
و تکلیف لریله شرکت فسادیه یه داخل اولوب دخولیه
نامیه قرا اولدیغیچون برشی ویرمیدیکنی و اولجه
شرکت دفترینی کرتمان اوغلی قارو طوتار ایسه ده
مرقومک برسرقت ماده سندن طولای توقیفندن
صکره کیمک طوتدیغنی بیلمیدیکنی و اندون رشتونی یی
تلاسه شوارشک و دولکر اوخانسک خانه لرند
ودره ونک مناسترنده راهب طانیلک یاننده کوردیکی
و راهب طانیلک کندوسیه کاورهاچی اوغلی پانوسه
بر آت لازمدر بر محلدن سرقت ایدرک کتورک
دیمسیله کندوسی کلبنک قسراغنه و پانوسده کمره کلی
ارتینک طوری اسبنه راکب اولهرق کلبنک
برقره طاغ روولوریه بر قاضی الهرق کندوسنده
برمارتین تفکیله ایکی روولورده پانوسده اولدیغنی
حاله کیدرک و نیرزه لی دلی بغوصیده مسلح
اولدیغنی حاله برابرلینه الهرق لاله لی بلنه کتمش
و کونش چیقارکن بریسی ایلروده و دیگری
کیرودن کلکده اولان ایکی آتلودن ایلروکلان
آتوینی دردستیه آتی و ترکیسی الدقلرینی و کیرودن
کلان آتلونک فراایتدیکنی و کندی بندیکی کلبنک
قسراغنی صویدقلری کیمسه یه ویرهرک اورادن
نیرزه لی بغوصک کوینه و پانوسله کندوسنگدم

دره و نك مناسرتينه كلكلريني واورادن چوماقلى به
كتمك اوزره حاضرلشم اولان اندون رشتوني
ايله ژرارك بو وقوعاى ايشتماريله كتمكلىريني
وغصب ايتدكلىرى مذكور آتى راهب طائيله
تسليم ايلدكلىريني و آتك قير رنكنده اولديقندن
اخير آراهب مرقومك بويامش اولديغى پانوسدن
ايشتمكلى و فرار ايدن آتويه اوچ دفعه كندوسى
واوچ درت دفعه ده پانوس مارتين وروولور آتش
ايشم ايسهلرده تصادف ايتمكلى و بويله جه
راهبك امريله كيدوب برآت كتوره رك راهب
مرقومه تسليم ايلدكلىريني و بشقه شيلردن معلوماتى
اولمادىغى سويلمش اولديغى كورلكله نهديه چكى
مرقومه ميساقدن تكرار صورلدقده گرچه قرائت
اولنان افادات كندوسنك ايسه ده جبرآسويلمش
اولديقندن قبول ايتيه چكى بيان ايله انكار واقعه ده
اصرار ايلدى.

اشجى پارسىخ اوغلى كلينك دخى جالبه
محاكات سابقه ده سويلديكى وجهله فساد قوميه
سنة اندون رشتوني طرفندن وقوعبولان تشويق
و تكليفدن اول تلاسده داخل اولمش اولوب
اولمادىغى وتلاس شركتندن سلاح واقچه الوب
المادىغى خصوصاتى ايله راهب طائيله ويرمش
اولديغى ترجمه حالى مندرجاتى استفسار اولندقده

اندون رشتونينك تكليفندن اول فساد قوميه
سندن خبر و معلوماتى اولمادىغى وتلاس شركتندن
سلاح واقچه المديغى و ياغوب اوغلى پانوس
و كزير طروس اوغلى ميرجان ايله استانبولدن
كلورلر ايكن انقره دن طودقلىرى عربيه
قير شهرى بولك چامور اولديغى خبر الماريله
يوزغاد طريفه دونديرمرك كيمكه اولدقلى صره ده
عربيه چينك اجل موعوديله وفات ايتديكى
وبانوس كندولرى يوزغاده برافه رقى عربيه
الوب تلاسه كيمش ايسه ده عربيه جى ايله هيچ
برمنازعه ده بولمادقلىرى و اولنان سؤال اوزرينه
سورب قره بت مناسترنده طروس ايله برلشوب
چورم طرفه كيمكلىريني و عثمانجى پوسته سته
اولنان تسلطه چيچ بلى دربندى ضبطيه سى
ابراهيمك كيفيت قتلندن و معدن پوسته سنك
اورلسيله پوسته سورجيسى و ضبطيه نك قتل
واتلافى كيفيتندن خبر و معلوماتى اولمادىغى كى
طروسى محاكمه دن اول طائيز ايدوكلى
سويلمسيله مذكور ترجمه حال ورقه سى ترجمه سى
قراى ايتديرلده قيصريه نك تلاس قريه سنده
بيك سكر يوز يتمش برسنه ميلاديسنده تولد
ايدوب پاپاس قره بت طرفندن و اقيس اولمادىغى
والتى ياشنه قدر پدري نك خانه سنده اكشوب درت

ياشندن اتى ياشنه قدر اقراى چوققارله دائما
مضاربه و مجادله ده بولنور و صبان و سائر اوفق
تفك اوپونلرده ابراز مهارتله مشغول اولور
ايدوكلى و سكر سنده سكر خواجهيه خدمتله
جزوى برارمنجه قرائت اوكرنه رك اون درت
ياشنده اولديغى خالده قير شهرنده اقرباسندن
برينك ياشنه عزيمت ايلديكى واوراده برسنه
دولكرلك خدمتنده بولنه رقى برآت جانبازيله
بالرفاقه ازميره كيدوب خدمتله دولكرلك صنعتى
تحصيل و برار مدت كندينه مصارف راهيه تدارك
ايتدكلى صكره مرسين طريفه پدري نك خانه سته
عودت واوراده پدريه برار تربيه و تمايلات
طبيعيه سى مقتضاسنجه مسلحاً آتله بنوب اخذ
واعطا ضمننده افشار كويلرى كشت و كذار
ايلدكلىرى و اوصره ده والده سنى بومر كيفى نك
كرفتار اولمسيله حوزه حمامنه كتورمش و بو
صورته ده اون درت ماه قدر چورمده
مرافقوزلاق تحصيل ايله مملكتنه عودت و برار
اكشودكلى صكره سيواس جهتنه عزيمت ايلمش
اولديغى وارمنى مسئله سيچون ارضرومده برطاقم
شركتلر و مى مجلسلر ظهوره كلدكلى ايشيده رك
اوزون مدت سياحت ايتك ارزوسى وارمنى
قهرمانلرينك برطاقم فتوحاتلرى اوقوتديره رقى

استماعله شرسته داخل اوله رقى خدمت ايتك
مقصديله عسكر يازلمش اولديغى و سيواسدن اوتيه
كتمك ارزوسنده بولشم ايسه ده بر طاقم
كورديكى ممانعت مجبوريه اوزرينه مملكتنه عودتله
پدريه برار بر يچق سته قدر كز كنجيك ايله
مشغول اولدقندن صكره در سعاده عزيمت ايدوب
اوراده دخى بر مدت اقامت ايدنه رك ارمنستان
مسئله سته اشتراك ايدنلر اولديغى ايشتمكلى
صنعتى سايله سنده حاضر ايدنه بيله چكى باره لرى
اوبولده صرف ايتك اميله مملكتى اولان تلاسه
عودت ايتك اوزره استانبولدن انقره يه كلدكلى
و برقاچ ارقداشله انقره ده استكرا ايلدكلى
عربيه راكباً يوله چيقدقندن عربيه جى روم ايلي
مهاجرلردن اولوب مذهبه قارشو بر چوق كفر
ايلديكندن منفعل اوله رقى بولده ارقداشلريله
برابر عربيه جى مهاجرى بوغوب ايكنى ساعت قدر
عربيه ده كتوردكلى صكره مناسب بر محله دفن
ايدرك يوزغاده عزيمت ايلمش اولدقلىرى و ارقداشلر
ندن بريى عربيه جى آوب بر محله كچمش
و كندولرى دخى ديكر بر عربيه راكباً تلاس
قريه سته واصل اولمش اولدقلىرى و آتى آى ده
تلاسده اقامتدن صكره دوكون مناسبيله عزيمت
ايلديكى برون قشله قريه سنده كرونلى طروسه

ملاقات ایدرك دوستلق پیدا ایتمش و برقچ آی
صکرده افکره سورپ قره بت مناسترنده مرقوم
طروسله تکرار برلشه رك برابر کره که عزیمت
وکره کده اون ایکی لیرایه بر آت مبايعه سیله
قوناق اولدقلری کویلرك جماعتی ارمنی مسئله سنه
تشویق ایدرك چورم طریقله مرزیفونه واصل
اولمش اولدقلرینی و اوراده دخی اون یدی کون
اقامتدن صکره حاجی کوبنده بولنان شرکتلر
طرفندن ورود ایدن بر عربیه را کبا حاجی کوی
ناحیه سینه جلب اولمش واورادن ایکی یایا
ارقداش دها آله رقی عثمانجی پوسته سنی اورمغه
عزیمت ایتمشلر سده پوسته نك بوش اولدیغنی
اکلامرلیله رجعت ایلمش اولدقلرینی و بر هفته
قریه مذ کوره ده بکلدکن صکره شرکتلرندن
یانلرینه بر آتلو دها علاوه اولنه رقی تکرار مذکور
پوسته نی اورمغه چیقوب واردقلری موقعك
حرکتلرینه مناسب بر محل اولدیغنی ایچون ایکی
طرفی طاغلی بر دره ده ایکی به تقسیم اولنه رقی
پوسته نك کچایکی صره ده ایکی قورشون ارقه دن و بر
قورشون اول طرفدن انداخت ایدرك پوسته بارکری
بوینندن اورمش و بو صورتله پوسته محافظلرینی
فراره مجبور ایتمش ایدوکلرینی وعودتله نده پوسته نك
پارهمز اولدیغنی خبر الدقلرنده مقصدلری یاره
ایچون پوسته نی صوبق اولیوب بالکر مرکز

وعودتله ی اناده اوغراقلری کویلرده اولیابده
تلقینات فسادیه ده بولندقلرینه دائر محرر اولان
فقرات استیضاح اولندقه کرونلی قاطر حیلردن
کرونلی طروسك یکیت بر آدم اولدیغنی ایشتمسی
اوزرینه اول صورتله یازدیرمش اولدیغنی وجهات
سائرده کندوسنك مدخلی اولیوب برمنوال
محرر قومیتدن معاش و مکافات آلق املیه اوتهدن
برودن ایشتمسی و قوعاتی نفسنه اضافتله راهب
طانیله حکایه ایلهورقه مذ کوره نی ترقیم ایتدیرمش
ایدوکنی اتیان ایلمله افادات استنطاقیه سی قرائت
ایتدیرلدکه تلاسلی دلی بدروس اوغلی میساقك
دره ونك مناسترینه کیده جکم دیو کندوسنندن
امانه الدیغنی قصر اغنی ایکی کون کتیر مامه سیله
مذ کور مناستره وارده رقی راهب طانیلدن سؤال
ایلدیکنده مرقوم میساقك اخشام اوزری
مناستره کلش ایه ده طور میوب کتمش اولدیغنی
سویلیمسی اوزرینه برقچ کون تحریدن صکره
تکرار مناستره واردیغنده پانوسله میساقی مذ کور
مناسترده بولمش وقصراغنی ایتدیکنده میساقك
قصر اغنك برینه بر آت کتوردم دیه رك اخورده
برقیر اسب کوسترمش اولدیغنی و مذ کور اسبی
برضبطیه نك آلتدن الدیغنی سوبلدیکنی و بر هفته
صکره راهب طانیلدن صور دیغنده مرقومك دخی

مذکور اسبی مانجسون قریه سنده اوردیروب
اولدردیکنی سویلیمش ایدوکنی و مرزیفونه
کتدیکنی واوراده صقاللی قصاب ارتینك افاده
سیله کرونلی زاروقیان طروس وقصبار و مرقوم
قصاب ارتین و سائر ایلشه بندراوغلی پارسیکك
برادری ارتینك خانه سینه کیدوب مرقومونك
پارسیکك شرکته دخولی ایچون وقوع بولان
تکلیفلرینی قبول ایتماسنه منی تفنك آتمشلر سده
اوره مدقلرینی قونشورلر ایکن ایشتمش اولدیغنی
وصباوت حانی و کزدیکی یرلری و استانبولدن
انقره طریقله قریه لرینه میرجان و بانوس ایل
کلورکن عربیه جی بی اوچی برلکده بوغوب
اولدیردکلرینی و کرونلی طروس ایل افکره مناسترنده
براشه رك شرکته لازم کلان خدمتی ایفا ایچون مرزیفونه
کتدیکنی وکره کده مرقوم طروسك کندوسنه بر
آت الدیغنی و حاجی کوبندن کوندریلان خبر اوزرینه
مرزیفوندن حاجی کوبینه کتدکن صکره عثمانجی
پوسته سنك اوکنه خپه رقی پوسته بارکیرینی
بوینندن اوردقلرینی و مقصدلری یاره الحق اولیوب
مرکز شرکتك رخصتیه بر کوسترش یاپدقلرینی
وچورم دربندنده کی ضبطیه نك قتلیله تفنك نك
الیدیغنده کندوسی بولنیوب بونی ارقداشی
طروسك یامش اولدیغنی حاوی و طروسکی اشکالیه

تعريف ايتيمش اولديغنى محتوى بولغىله افادات
مذكوره سینه نه ديه جكي صورلدقده افادات
مذكوره زیرلرندكى امضالر كندوسنك ايسهده
جبرا سويلمش اولديغنى تذكار وكرچه ميساق
قومشوسى اولغله قصر اغنى ايستهرك المش ايسهده
ينه كندوسنه اعاده ايلديكى از بار و وقوعات
مذكوره ايله طروسك اشكائى مستنطقك نره دن
اوكره نوب يازمش اولديغنى صورلدقده سكوتى
اختيار ايلمسيله مرقومك ترجمه حال ورقه سى
مندرجاتيله افادات استنطاقيه سینه نه ديه جكلرى
پانوس وميرجاندن صورلدقده قبول ايمه جكلرى
درميان ايلديلر .

محكمه به كتوريلان راهب طانيل دخى ميساق
ويانوسدن برآت ايتيوب ايتيمدىكى و مرقوملر
مناستره ديون عموميه قولجيسندن الدقلى آتى
كتوروب كتورمدكلى و بو آندن طولاني كلبنك
ويانوس وميساقك مناستره منازعه ايدوب
ايتيمكلى و صكره آتى تلف ايتديروب ايتديمدىكى
ويانوس ايله ميساقك آتى مناستره كتوردكلى
صردهه چوماقلى به كيتمك اوزره بولسان اندون
رشتونى ايله ژراره وقوعات مذكوره يى اخطار
ايله عزيمتلر نى تاخير ايتديروب ايتديمدىكى
وكلبنكك ترجمه حال ورقه سنده مندرج وقوعاتى

مرقومده پاره اوليوب فرار ايدن قولجیده قالمش
ايدوكنى و مرقومه ده كلبنكك مالى اولوب ميساقك
التده بولسان قسراغى ويردكلى نقل و حكايه
ايلملرى اوزرينه اندون رشتونينك ابو ايتماشسكز
ايش قسراق واسيدن ميدانه چيقارديمش ايدوكنى
وكلبنكك نقل و حكايه سینه مبنى عربى جى اخلاق
ايتدكلى و مرزيفون شركت فساده سنك امريله
معدن پوسته سنى اوردقلى سینه و عثمانجق پوسته سینه
تسلطله برنمايش اجرا ايلدكلى و چورمه
مرزيفون اره سنده بولسان دربند ضبطه سنى مارتين
تفنيكه قتل و تلف ايلديكنه دائر اولان ترجمه
حال ورقه سنى كندوسى يازمش اولديغنى و عثمانجق
پوسته سنى كرونلى طروسيله اورمه كيتديكى
سويلديكى و مرقوم كلبنكك طروسيله دائما
كرز ايدوكنى وكلبنكك قولجى به ويريلان قسراغى
يرينه قولجيك مناستره كتوريلان آتى المق
ايسته مش ايسهده پانوسك اورر اولديررم ديه
ايتديكى تهديد اوزرينه اله ميوب كيتمش اولديغنى
وصكره مذكور آتى مناستردن كندوسنك مانجسونه
كوندرمش ايدوكنى محتوى كورلمسيله نه ديه جكي
راهب مرقوم طانيلدن استفسار اولندقده اولجهده
سويلديكى وجهله افادات استنطاقيه سى جبرا المش
اولديغندن قبول ايمه جكنى از بار اولسان

استيضاحات اوزرينه محكمه به كتورلمش اولان
اندون رشتونى دخى كندوسى كلبنكك قومته دن
معاش و مكافات الديرمق اوزره بركونه تشويقانده
بولماش و بركيجه كندوسى ياتديغنى صردهه مرقوم
كلبنكك راهب طانيله برشى سويلوب انك دخى
يازقده اولديغنى كوروب فقط او يومق اوزره
بولنديغندن نه ديديكى و نه يازديغنى ايشتماش
ايسهده ايرتسى كوني راهب طانيلك يازديغنى
كاغدى كندوسنه او قوديفنده اشبو كلبنكك ترجمه
حال ورقه سى اولديغنى اكلامش ايدوكنى و راهب
مرقومك كندوسنك چوماقلى به كيده جكي كون
ميساق ويانوس و نيرزه لى بغوص پوسته اورمشلر
بوكون كيتيمكز ديمسيله اوكون عزيمتلر نى تاخير
ايدرك ايرتسى كوني پانوسى دخى الوب كيتمش
اولدقلى اتيسان ورشتونينك اشبو افادانه
نه ديه جكلرى سؤاله جوابا راهب طانيل ايله
كلبنك وميساق افادات سابقه لرنده اصرار ويانوس
دخى رشتونى كندوسى قاچيرمش اولديغندن
افاده سنى قبول ايمه جكنى از بار ايلديلر .

متهملردن كرونلى زاروقيان طروس دخى
محكمه به جلبيله سويلتديرلدكده ارمنى شركت
فساده سنده دخل و معلوماتى و كندوسنك
طوميان ارتين طرفندن عرفيه مامورى تعيين

قلندیغی و مرقومدن بر ایرا الهرق ویرمش
اولدینی بر بوغچه دروننده کی یافته لری ژیراره
کتوردیکی و عثمانچی پوسته سنه کلنیکله برابر تسلط
وچورم ضبطیه سنی قتل و معدن پوسته سنی
اورارق پوسته سورجیسیله ضبطیه سنی اتلاف
ایلدکری کلیاً انکارایله کندوسی ارباب تجارتدن
اوله رق نه کیسه دن اقچه اخذ ایده جک ونده
پاره ایله بوکی شقاوت اجراسنده بولنه جق
طاقدن بولندیغی تذکار ایلمسیله افادات استنطاقیه
سنه مراجعت ایدلده کده ذخیره فروختی ایچون
تاریخ افاده سنندن طقوز آی اول مرزیفونه
کتدیکنده اوراده طومه یان قره بتک برادری ارتین
طرفندن کمره کده ژیراره ویرملک اوزره برطوبره
کاغذایله اجرت اولق اوزره برده ایرا الدیغی
و کندوسنک مؤتمن بر کیسه اولدیغنه و معاونت
ایضا قلنمسنه دائر برده یدینه شهادتنامه اعطا
ایلدیکی و اولوجهله مذکور طوبره کی کتوروب
کمره کده ژیرار دنیلان شخصی ویردیکی و دیگر
افاده سننده دخی مرقوم طومه یان ارتین ایله
مرزیفونده کورشدیکنده ارمنستانک استقلالیتی
حقننده بر شرکت اولدیغی و کندوسنیده اوشرکته
اجرا ماموری تعیین و شرکت نامنه اولان اوراق
وساثره کی کندی واسطه سیله ارسال ایله جکلری

و صورت مأموریتیه ایجابنده کندوسننه معاونت
اجراسی و شرکت آدمزلندن اولدیغک بیلنمسی
ضمننده یدینه برده شهادتنامه ویره جکلری
سویلمه سیله کندوسیده اولوجهله قبول و شرکت
مهریله مهور شهادتنامه کی اخذایله یکی و ویریلان
اوراق ژیراره تسلیم و ایصال ایتدکن صکره
تهلکه کی بر خدمت اولسندن بعدما کندی موریله
مشغول اولدیغی و شوراده بوراده اوراق مضره
تجری اولندیغی صره ده مذکور شهادتنامه کی
قورقوسندن یرتدیغی و اجرا ماموری تعیین
اولندیغنه یدینه ویریلان تعلیماتی یا کشلقله ژیراره
ویرمش ایدوکنی و اوچنجی افاده سننده دخی
مرقوم طومه یان ارتین ایله مرزیفونده کورشدیکنده

مابعدی وار